



CONVENIO DE COLABORACIÓN ENTRE O INSTITUTO ENERXÉTICO DE GALICIA (INEGA) E A FUNDACIÓN SOTAVENTO GALICIA, PARA A REALIZACIÓN DE ACTUACIÓNS NA FEIRA DA ENERXÍA DE GALICIA, OS DÍAS 22, 23 E 24 DE MARZO DE 2018

Santiago de Compostela, 19 de marzo de 2018

R E U N I D O S

Dunha parte, _____, en nome e representación do Instituto Enerxético de Galicia, con domicilio na rúa Avelino Pousa Antelo, nº 5 (15703 Santiago de Compostela) e na súa calidade de director deste, cargo para o que foi nomeado polo Decreto 235/2012, do 5 de decembro, facendo uso das facultades do seu cargo e das que lle foron conferidas en virtude das atribucións que lle confire a Resolución do 10 de marzo de 2017 pola que se delegan competencias atribuídas á persoa titular da Presidencia da axencia Inega (DOG núm. 60, do 27 de marzo).

Doutra parte _____, en calidade de xerente e apoderado da Fundación Sotavento Galicia, domiciliada en Momán-Xermade (Lugo) e con CIF:G-27323864 ao abeiro das facultades que lle foron conferidas polo padroado da Fundación de data 25 de xuño de 2009, segundo o poder notarial outorgado o 10 de xullo de 2009 polo notario de Santiago de Compostela Don José A. Cortizo Nieto, co nº 1433 do seu protocolo.

Interveñen en función dos seus respectivos cargos e no exercicio das súas facultades que, para negociar en nome das entidades que representan, teñen conferidas e,

E X P O Ñ E N

Primeiro.- Que o Inega é unha entidade instrumental do sector público autonómico con personalidade xurídica e patrimonio de seu para o cumprimento dos seus fins que se constitúe en Axencia por Decreto 142/2016, do 22 de setembro, mantendo a súa adscrición a Consellería competente en materia de enerxía, conforme ao establecido na Lei 3/1999, do 11 de marzo e entre os seus fins están "o fomento, impulso e realización de iniciativas e programas de actuación para a investigación, o estudo e o apoio das actuacións de coñecemento, desenvolvemento e aplicación das tecnoloxías enerxéticas, incluídas as renovables, a mellora do aforro e a eficiencia enerxética, o fomento do uso racional das enerxías e, en xeral, a óptima xestión dos recursos enerxéticos dos distintos sectores económicos de Galicia, así como a participación na xestión e prestación, se é o caso, de servizos neutros campos sinérxicos, de acordo coas directrices do goberno no ámbito das súas competencias".



Que para o exercicio axeitado das súas funcións, o Inega pode establecer convenios e contratos con institucións públicas ou privadas, así como colaborar con outras Administracións para favorecer a adopción de medidas de aforro, de racionalización na produción, distribución e subministración de enerxía (art. 5 da Lei 3/1999).

Segundo.- Que a Fundación Sotavento Galicia é unha fundación de interese galego que ten entre os seus fins fundacionais a promoción, divulgación, formación, fomento e debate de todos os aspectos relacionados coas enerxías renovables, así como a promoción e realización de proxectos, estudos e outras actuacións de investigación e experimentación relacionados coa enerxía eólica en particular e coas enerxías renovables en xeral; fomentar e divulgar a importancia do aforro e a eficiencia enerxética para conseguir un desenvolvemento sostible, promover, divulgar e fomentar actuacións que vinculen o desenvolvemento enerxético á protección do medio ambiente, así como calquera outro tipo de actuación que implique unha mellora na optimización e implantación das enerxías renovables en xeral, e da eólica en particular.

CLÁUSULAS

Primeira. Obxecto

O presente convenio ten por obxecto establecer as bases da colaboración entre o Inega e a Fundación Sotavento Galicia para a realización de actividades na Feira da Enerxía de Galicia que se celebrará os días 22, 23 e 24 de marzo do 2018 con unha finalidade pedagoxica e divulgativa do mundo da enerxía.

Segunda. Compromisos da Fundación Sotavento Galicia

- a. Dotar de contido (actuacións, medios materiais e humanos) o espazo reservado para un stand conxunto Inega-Sotavento duns 500 m2.
- b. Incorporar un stand específico dentro de este espazo da Xunta de Galicia de unhas dimensións aproximadas de 5x5 m.
- c. Creación neste espazo de 500 m2 dunhas áreas específicas sobre:
 - Enerxías non renovables
 - Enerxías renovables
 - Sobre o transporte e acumulación de electricidade
 - Eficiencia e aforro enerxético
 - Area de mobilidade sostible
 - Área de obradoiros con talleres para alumnos de centros de primaria



- d. Transporte, montaxe e desmontaxe de todo o material necesario para o contido do stand
- e. Dotación de 6 educadores especializados en divulgación de temas enerxéticos para a realización dunha labor pedagóxica e divulgativa dos temas enerxéticos.
- f. Coordinación e xestión para que diversos centros educativos visiten o stand, fagan talleres e realicen unha visita guiada por o “mundo da enerxía”

Terceira.- Compromisos do Inega

- a. Facilitar o espazo de 500 m2 para realización da actuación dotado de moqueta e medios auxiliares necesarios.
- b. .Facilitar medios audiovisuais para a súa emisión nunha pantalla de plasma.
- c. Facilitar folletos e material promocional do Inega.
- d. Por a disposición no stand un vehículo eléctrico para demostracións da mobilidade eléctrica.
- e. .Achegar 20.000 € para o financiamento das actuacións.

Cuarta.- Contía da achega

O Inega achegará a cantidade de 20.000 €, para financiar as actuacións que se desenvolvan na Feira da Enerxía dentro do alcance deste convenio.

Quinta.- Dispoñibilidade orzamentaria

Nos orzamentos do Inega para o ano 2018 existe dispoñibilidade económica axeitada e suficiente para facer fronte ao acordo económico establecido neste convenio, con cargo á aplicación orzamentaria 09.A2.733A.640.5 do seu orzamento de gastos para o ano 2018.

Sexta. Xustificación e pagamento

- 1. A achega feita polo Inega traspasarase a Fundación Sotavento Galicia en dous pagamentos a realizar do seguinte xeito:
 - . Unha primeira achega correspondente ao 50 % do orzamento, que se efectuará unha vez asinado o convenio.
 - . Unha segunda achega correspondente ao 50% do orzamento, previa presentación dun informe final xustificativo en forma e prazo e a súa comprobación polos técnicos do Inega.



2. A xustificación consistirá nunha certificación da intervención ou órgano que teña atribuídas as facultades de control da toma de razón en contabilidade e do cumprimento da finalidade para a que foi subscrito o presente convenio acompañada das facturas e demais documentos de valor probatorio equivalentes con validez no tráfico xurídico mercantil ou con eficacia administrativa.

3. A Fundación Sotavento Galicia achegará unha certificación expedida pola entidade bancaria da titularidade da conta bancaria, da Fundación Sotavento Galicia onde debe realizarse o pagamento, na que conste: IBAN, ordinal bancario, código do banco, código de sucursal e código de conta corrente.

Sétima. Vixencia

O presente convenio entrará en vigor o día seguinte ao da súa sinatura e a súa vixencia rematará ó finalizar a feira da enerxía, non obstante a vixencia máxima do convenio rematará o 15 de abril de 2018.

Non se contempla a posibilidade de prórroga da vixencia do convenio.

Oitava. Contratación

Para o desenvolvemento das actuacións a Fundación Sotavento Galicia efectuará as contratacións precisas.

Novena. Comisión de seguimento

Para o seguimento e cumprimento do presente convenio, designarase, de común acordo entre as partes, unha comisión de seguimento e control formada por un representante do Inega e outro da Fundación Sotavento Galicia e que terá como misión:

- Velar pola correcta aplicación e desenvolvemento do convenio.

Sen prexuízo das funcións da comisión de seguimento, as eventuais controversias que poidan xurdir, serán de competencia e de coñecemento da orde xurisdiccional contencioso-administrativa.

Décimo. Causas de resolución

Son causas de resolución do presente convenio:

- a. Incumprimento total ou parcial dalgunha das súas cláusulas
- b. Transcurso do tempo estipulado sen que se leve a cabo o obxecto do mesmo
- c. A denuncia de calquera das partes formulada por escrito con quince días de antelación. Neste suposto, unha vez comprobada a adecuada xustificación, serán abonados os gastos efectivamente realizados para o desenvolvemento da actividade obxecto do convenio.
- d. Acordo mutuo das partes



Décimo Primeira. Protección de datos

As partes están obrigadas a cumprir coas normas sobre protección de datos, concretamente a Lei Orgánica 15/1999, de 13 decembro, de protección de datos de carácter persoal e as normas que a desenvolve.

A tal efecto as partes comprométense a non utilizar tales datos de carácter persoal con finalidade distinta á da execución do presente acordo, a non cedelos nin comunicalos baixo ningún concepto a terceiras persoas nin para a súa conservación, e en especial a non reproducir, publicar ou difundir ningunha información acerca deles.

Cada parte responderá dos incumprimentos da normativa de protección de datos de carácter persoal nos que incorra.

Os titulares dos datos poderán exercer os dereitos de acceso, rectificación, cancelación e oposición, dirixíndose por escrito ao Instituto Enerxético de Galicia, con enderezo na rúa Avelino Pousa Antelo, 5 CP 15707, Santiago de Compostela, A Coruña.

Cando o cumprimento do obxecto do presente convenio de colaboración, faga necesario que as partes se comuniquen datos de carácter persoal de terceiros, aquelas deberán obter previamente o consentimento do interesado.

Décimo Segunda.- Publicidade

En canto á publicidade, procederase de conformidade co mandato da Lei 1/2016, do 18 de xaneiro, de transparencia e bo goberno, no Decreto 126/2006, do 20 de xullo, polo que se regula o Rexistro de Convenios da Xunta de Galicia e no Decreto 132/2006 do 27 de xullo, de creación dos rexistros de axudas, subvencións e convenios, e de sancións da Xunta de Galicia.

En virtude do disposto no parágrafo anterior a Fundación Sotavento Galicia consinte expresamente a inclusión e publicidade no devandito rexistro dos datos relevantes referidos ao convenio.

Décimo Terceira. Natureza e réxime xurídico

Correspóndelle ó Inega ostentar as prerrogativas de interpretación, modificación, resolución e nulidade do convenio.

O presente convenio ten natureza administrativa, quedando fora do ámbito de aplicación da Lei 9/2017, do 8 de novembro, de contratos do sector público; sen prexuízo da aplicación dos principios e criterios da devandita Lei para resolver as dúbidas ou lagoas que puidesen presentar.

O presente convenio rexeráse polas súas cláusulas e polo Acordo do Consello da Xunta do 27 de marzo de 1991, publicado por Resolución da Consellería de Economía e Facenda do 8 de abril de 1991, sobre convenios de colaboración con outros entes públicos e con particulares; polas disposicións que en materia de convenios se recollen na Lei 1/2016, do 18 de xaneiro, de transparencia e bo goberno.



XUNTA DE GALICIA
CONSELLERÍA DE ECONOMÍA,
EMPREGO E INDUSTRIA



E en proba de conformidade, asínase o presente convenio de colaboración en duplicado exemplar, no lugar e data indicado ao comezo.

O DIRECTOR DO INEGA

**O XERENTE DA FUNDACIÓN
SOTAVENTO GALICIA**